

每週經課朗誦經文(巴克禮台語漢字)2015/10/18

共同經課 - 1

約伯記三十八章一節~七節、三十四節~四十一節

1 彼時，耶和華對大風的中間應約伯講：2 今一個用無知的話，互所議論的無明，是是誰啊？3 你著繕腰親像大丈夫；我問你，你應我。4 我下地的地基，彼時你佇叨落？你若知影，就講伊。5 是誰定著伊的寸尺？是誰牽繩索佇伊的頂面，你知嗎？6 伊的地基祀佇甚麼的頂面？抑是伊角頭的石，是誰安置啊？7 當彼時，天光早的星相及唱歌；上帝的眾子也擺出歡喜的聲。34 你會出聲叫雲，互雨水多多遮蓋你嗎？35 你會發出閃爍，in 就去，對你講；阮佇遮？36 是誰用智慧下佇內面？是誰賞賜聰明佇心內？37 是誰會用智慧算雲的數額？是誰會傾天的盆？38 彼時，塵埃成做土糜，土就結歸團？39 你有給母的獅、□著食物，互獅仔肫食飽嗎？:40 就是伊佇穴內撐腳，佇隱密的所在匿啲的時。41 烏鴉子向上帝哀求，無通食飛來飛去的時；是誰為烏鴉備辦食物啊？

共同經課 - 2

詩篇一百零四篇一節~九節、二十四節、三十五 c 節

1 我的心神啊，你著謳啫耶和華！耶和華——我的上帝啊，你是至大！你用尊榮威嚴做衫來穿，2 你穿光明，親像外衫，展開天，親像帳幅，3 伊佇水中安置伊樓閣的通楹，用雲做伊的車，用風的翅來行，4 用風做伊的使者，用炎火做伊的差用，5 將地下佇伊的地基頂，互伊永永無搖拙。6 你用深淵親像衣裳，遮蓋地面；諸個水淹過山嶺。7 你一下喝，水就緊緊走；你的雷一下鳴，水就緊緊流。8 涓到山頭，落到山谷，歸佇你給 in 定著的所在。9 你定著界限，互水袂會搬(pôaⁿ)過，無閣倒轉來遮蓋地面。24 耶和華啊，你所造的怎樣許多！攏是你用智慧造成的；遍地滿滿你的富有。耶和華啊，你所造的怎樣許多！攏是你用智慧造成的；遍地滿滿你的富有。我的心神啊，著謳啫耶和華！恁著謳啫耶和華！

共同經課 - 3

希伯來書五章一節~十節

1 因為對人的中間所揀的祭司頭，攏是為著人佇關係上帝的事來設立，通為著罪過獻禮物及祭祀。2 伊既然互軟莖所圍困，才會體諒毋知影及失迷的人。3 所以，伊應該因為本身，親像因為百姓為著罪來獻祭。4 閣此個尊貴，毋是人家已取，只有互上帝召的，親像亞倫一樣。5 親像按呢，基督亦毋是家已尊做祭司頭，就是彼個對伊講「你就是我的子，我今仔日生恁」者；6 佇別位亦講：「你永遠做祭司，照麥基洗德的班列。」7 基督佇伊悒肉體的日，用出力喉叫，閣流目屎，獻祈禱，懇求互彼個會救伊出死者，閣因為伊的敬虔得著聽見。8 雖然做子，亦對所受諸個苦難來學順服。9 已經成做完全，就做凡若順服伊的人永遠拯救的根源，10 互上帝稱伊做祭司頭，照麥基洗德的班列。

共同經課 - 4

馬可福音十章三十五節~四十五節

35 西庇太的子雅各及約翰就近，來給伊講：「先生啊，見若阮所對你求的，愛你給阮行伊。」36 伊就給 in 講：「愛我給恁行甚麼啊？」37 in 給伊講：「准阮佇你的榮光，一個坐你的正旁，一個坐你的倒旁。」38 若是耶穌給 in 講：「恁所求的恁毋知。我所飲的杯，恁會飲嗎？我所受的洗，恁會受嗎？」39 in 講：「會。」伊給 in 講：「我所飲的杯，恁欲飲伊；我所受的洗，恁欲受伊；40 總是坐我的正旁倒旁，毋是我會通互人，獨獨為著甚麼人備辦的，就互伊。」41 十個學生聽見，就受氣雅各及約翰。42 耶穌叫 in 來，給 in 講：「恁知，外邦所尊做人君的，做主來治理 in，in 的大人管轄 in。43 獨獨恁中間，毋是按呢。恁中間，愛做大的，欲做恁的差用；44 恁中間，愛做頭的，欲做眾人的奴僕。45 因為人子到，毋是欲差用人，是欲互人差用，閣獻伊的生命來贖回多多人。」